

# QVÆSTIO MEDICA.

## QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS 19. NOVEMB. MAGISTRO IOANNE MERLET, DOCTORE MEDICO MODERATORE.

*An Melancholicis Hemorrhoides Salutares ?*

**S**ANGVIS, pituita, bilis vtraque hominem constituunt, nutriunt, & fouent mediocri inter se affecta moderamine: solutâ temperaturæ & mixtionis lege in eius perniciem furias agunt, cum ex partium *χρυσωγενής* perenniter generantur, aut pro naturæ instituto satis non expurgantur. Sanguis plenior *πλεονέκτος* aut suffocatio- nis periculum mouet, feruidior synochum eamque simplicem aut putridam febrem inducit: quidni & aliam separatim concepta putredine? Pituita lenteriam hydropem; bilis flaua choleram morbum, icterum: sed nullus morbus deterior, aut *δυσχερής* quàm qui à Melancholico succo prouenit, aut ex assatione deprauato.

**S**PLEN bibulum viscus, cartilagineis costarum extremis à læua subtensum, numerosis arteriarum ductibus perfusum, atrum hunc humorem proliciter defæcandi sanguinis gratia. Sed misellum sæpe operam ludit, dum generationi non respondet attractio, aut attracti fit *σπαστικός*, ingens hinc mor- borum caterua, & horrenda symptomatum sæuities prorumpit, id potissimum quod causæ nomine Melancholiam vocant, imaginationis nempè & rationis deprauatio, quia materiâ mentem inuadit partem cerebri anteriorem, epilepsiam alioqui si se in ventriculos insinuet, concitatura. Deliriu, inquam, febris expers cum metu & morore sine causâ manifesta coniunctum.

**M**ELANCHOLIA pro foci diuersitate triplex: Idiopatheciam cerebri consequens, sanguine inibi, fortasse & pituita, à calidiore cerebri intemperie in atram bilem conuersio, quod fere vultuosus & saturato faciei rubore splendentibus accidit, aut aliunde transmissio. In altera diffusâ per vniuersum corporis habitum melanchol- ica illuuius venas crasso & sæculoento sanguine distendit. Tertia hypochondriaca est, intercepto in hepate, splenè, vel mesenterio à pertinaci obstructione succo melancholico, & ex perspirationis defectu putrescente, vnde vapores tetri & tenebrosi in arcem rationis scandunt, & spiritus animæ maxime ratio cinantis nobi- lioris instrumenti amabilem perspicuitatem, & tenuitatem densâ perfundunt caligine, quæ propria metus & mororis causâ est, cerebri, maximè que cordis per- frigeratione non nihil etiam adiuta.

**V**ARIA quoque sunt vt somniantium sic melancholicorum spectra, è quibus sæpe præsens corporis status datur intelligi, & futurus etiam præsentiri, tam horrenda sæpe vt dæmoniorum concionibus & choris interesse constanter asseuerent. Hæc curanti solertiâ plus quam Medicâ sunt oppugnan- da; dum in auellendâ causâ operam locat. Hi sunt quibus Anticyras forbere meracas conueniat. Phlebotomiâ causæ antecedenti occurritur, mediana pertunditur deriuationis & reuulsionis occasione. Alterantibus squalida corporis & viscerum ariditas euincitur, mirando plerumque successu. Nec modicum iuuant cardiaca, quæ vitæ arcem, spirituum promptuarium, lætitiæ fontem specificâ eâque non negligendâ facultate corroborant & aduer- sus malignæ auræ labem, quam plûs satis testantur palpitatio frequens & syncope, communiunt.

**H**ÆMORRHOIDES securitatis apicem in hoc affectu tenent, quæ si naturæ sponte citra opem Medici profluunt, eò certiores quò natura arte potentior. Qui habent Hæmorrhoides neque pleuritide, neque peripneumoniâ, neque epilepsiâ, nec apoplexiâ, cruciantur: profunt & nephriticis, sed maxime melancholi- cis, quemadmodum & varices non æque optabiles, quia melior *χρυσωγενής* quam *χρυσωγενής* apostasis. Fœculenti sanguinis destinant expurgationi via *χρυσωγενής*, a- splene detiuatio. Hic *τοιοῦτος* attentius ne perquire. Bonum ergo hæmorrhoidum fluxui obnoxium esse? bonum me hercule si ferat *εὐφρόνως*, melius tamen considerate sanare & importunam istam obligationem soluere.

*Ergo Melancholicis hæmorrhoides Salutares.*



Asserebat Lutetiæ CLAVDIVS DE POIS, Parisinus Anno R. S. M. DC. XV.

DOMINI DOCTORES DISPVATVRI.

*M. Michael de la Vigne.  
M. Ioannes Tournier  
M. Iacobus Perreau.*

*M. Guillelmus Gerbault.  
M. Franciscus l'Espicier.  
M. Franciscus le Sage.*

*M. Ioannes Mercier.  
M. Michael Tournain.  
M. Guillelmus Lescailion.*